

TERMA DAN SYARAT AKAUN PAY&SAVE-i HONG LEONG

Terma dan syarat ini hendaklah dibaca bersama-sama secara keseluruhan dengan Terma dan Syarat Am Akaun bagi Deposit dan Deposit Perbankan Islam, Terma dan Syarat bagi Akaun Semasa-i dan Akaun Simpanan-i Hong Leong (Tawarruq CASA-i), Terma dan Syarat Kad Debit-i Hong Leong, Terma dan Syarat untuk Perkhidmatan Perbankan Internet dan Perkhidmatan Mudah Alih bagi Perbankan Digital Peribadi Hong Leong Connect dan mana-mana terma dan syarat lain yang berkaitan yang mungkin dikenakan oleh Hong Leong Islamic Bank Berhad ("**HLISB**") dari semasa ke semasa dengan memberi notis **dua puluh satu (21)** hari kalendar terlebih dahulu, serta undang-undang dan peraturan lain yang mengikat HLISB.

Prinsip Syariah

1. Akaun Pay&Save-i Hong Leong adalah berdasarkan kepada Prinsip Syariah Tawarruq dan prinsip-prinsip Syariah lain yang diluluskan oleh Bank Negara Malaysia ("**BNM**").

1.1 **Tawarruq**" merujuk pada pelbagai transaksi jual beli. Mekanik yang terlibat:

- i) HLISB bertindak sebagai Ejen membeli Komoditi bagi pihak Pelanggan dengan Harga Pembelian.
- ii) HLISB selepas itu sebagai Ejen kepada Pelanggan menjual Komoditi kepada HLISB dengan Harga Jualan berdasarkan Murabahah yang akan dibayar kepada Pelanggan secara bertanggung sepanjang tempoh (setelah mengambil kira apa-apa rebat jika ada).
- iii) HLISB selepas itu menjual Komoditi kepada pihak ketiga secara tunai serta merta.

1.2 '**Ibra**' bermaksud pengabaian hak tuntutan yang diberikan oleh seseorang kepada orang lain yang mempunyai kewajiban (zimmah) yang disebabkan olehnya. 'Ibra' atau 'rebat' merujuk kepada tindakan seseorang yang melepaskan haknya untuk memungut pembayaran yang harus dibayar daripada orang lain. Dalam struktur produk ini, Rebat diberikan daripada pelanggan kepada HLISB pada Harga Jualan. Namun demikian, HLISB boleh menyetepikan haknya atas potongan Rebat yang diberikan oleh Pelanggan, dalam bentuk keuntungan tambahan / bonus yang harus dibayar kepada Pelanggan, jika ada.

Kelayakan

2. Akaun Pay&Save-i Hong Leong ("**Akaun**") terbuka kepada individu warganegara Malaysia dan Pemastautin bukan warganegara Malaysia berumur **lapan belas (18)** tahun ke atas, sama ada atas nama tunggal atau nama bersama ("**Pemegang Akaun**").
3. Kedua-dua warganegara Malaysia dan Pemastautin bukan warganegara Malaysia adalah tertakluk kepada peruntukan **Akta Perkhidmatan Kewangan Islam 2013** dan **Notis Pertukaran Asing** yang dikeluarkan di bawahnya.
4. Empunya Tunggal, Perkongsian Liabiliti Terhad, Perkongsian Tidak Diperbadankan, Pengamal Profesional, Kelab, Pertubuhan, Persatuan, Sekolah, Perbadanan, Organisasi Bukan Untung dan entiti perniagaan yang lain tidak layak untuk membuka atau mengendalikan Akaun tersebut.
5. Deposit permulaan minimum untuk membuka Akaun ialah **Ringgit Malaysia Dua Ratus (RM200)**.
6. Pencadang tidak diperlukan untuk membuka Akaun dan tiada Buku Akaun akan dikeluarkan.

7. Setiap Pemegang Akaun hanya layak mengendalikan **satu (1)** Akaun Pay&Save-i Hong Leong.
8. Kemudahan Aliran Tunai-i tidak disediakan bagi Akaun ini.
9. Pemegang Akaun dikehendaki mendaftar untuk Perbankan Dalam Talian Hong Leong Connect ("**HL Connect**").

Kadar Keuntungan

10. **Kadar keuntungan kontrak ("CPR")** dirumus daripada hasil penambahan kadar tertinggi Keuntungan Simpanan, Keuntungan e-Xtra, Keuntungan Bonus Kad Debit-i dan keuntungan produk Pay&Save-i (jika ada). Bagi Pemegang Akaun yang memohon untuk Ciri Dagangan Sekuriti, kadar tertinggi Keuntungan Bonus Dagangan Saham turut akan dimasukkan dalam pengiraan CPR. Rebat yang tersedia untuk Akaun akan digunakan bagi sebarang bayaran Keuntungan Simpanan, Keuntungan e-Xtra, Keuntungan Bonus Kad Debit-i, dan/atau Keuntungan Bonus Dagangan Saham.
11. Kadar Keuntungan Simpanan, Keuntungan e-Xtra, Keuntungan Bonus Kad Debit-i dan Keuntungan Bonus Dagangan Saham yang terkini boleh didapati di laman sesawang korporat HLISB www.hlisb.com.my ("**Laman Sesawang HLISB**").

Keuntungan Simpanan

12. Tertakluk kepada terma dan syarat yang terkandung di sini Pemegang Akaun layak mendapat Keuntungan Simpanan sekiranya Pemegang Akaun meletakkan deposit minimum sebanyak **Ringgit Malaysia Dua Ribu (RM2,000)** dalam transaksi tunggal ke dalam Akaun untuk **tiga (3)** bulan kalendar berturut-turut.
13. Deposit minimum RM2,000 ditakrifkan sebagai sebarang peletakan ke dalam Akaun pada bulan tersebut dengan pengecualian yang berikut:
 - (a) Pengeluaran matang atau pengeluaran pra-matang Deposit Tetap / Deposit Tetap-i daripada mana-mana akaun Hong Leong Bank Berhad ("**HLB**") / Hong Leong Islamic Bank Berhad sedia ada;
 - (b) Pemindahan dana intra-bank iaitu pemindahan dana dari akaun HLB / HLISB yang lain (sama ada Akaun Simpanan / Akaun Simpanan-i, Akaun Semasa / Akaun Semasa-i, Deposit Tetap / Deposit Tetap-i, Akaun Pelaburan Berjangka-i atau Akaun Pelaburan Am-i);
 - (c) Perolehan daripada penebusan ekuiti, dana unit amanah, bon / sukuk dan/atau Hong Leong Invest Safe sewaktu Tempoh Promosi yang didepositkan semula ke dalam mana-mana Akaun Semasa / Akaun Semasa-i atau Akaun Simpanan / Akaun Simpanan-i ("**CASA / CASA-i**") Pemegang Akaun;
 - (d) Sebarang transaksi kewangan yang tidak berjaya atau yang dibalikkan ke dalam Akaun.

Keuntungan Simpanan dikira dan diakru setiap hari berdasarkan baki penghujung hari dan dikreditkan setiap suku tahun pada 1 hari bulan (**1 hb.**) bulan pertama Suku Tahun berikutnya

(“**Tarikh Perkreditan Keuntungan Simpanan**”). Berikut merupakan jadual pecahan bulan setiap suku tahun dan tarikh pengkreditan keuntungan untuk setiap suku tahun:

Suku Tahun	Pecahan Bulanan	Tarikh Perkreditan
Suku Pertama	1 hb. Januari sehingga 31 hb. Mac	1 hb. April
Suku Kedua	1 hb. April sehingga 30 hb. Jun	1 hb. Julai
Suku Ketiga	1 hb. Julai sehingga 30 hb. September	1 hb. Oktober
Suku Keempat	1 hb. Oktober sehingga 31 hb. Disember	1 hb. Januari

14. Sekiranya Akaun ditutup sebelum Tarikh Perkreditan Keuntungan Simpanan yang berikutnya, Pemegang Akaun bersetuju untuk mengetepikan Keuntungan Simpanan (jika ada).
15. Keuntungan Simpanan hanya akan dibayar untuk akaun dengan baki penghujung hari harian bermula daripada **Ringgit Malaysia Satu Ribu (RM1,000) sehingg baki maksimum Ringgit Malaysia Satu Ratus Ribu (RM100,000)**.

Keuntungan e-Xtra

16. Tertakluk kepada terma dan syarat yang terkandung di sini, Pemegang Akaun layak mendapat Keuntungan e-Xtra sekiranya Pemegang Akaun membuat Bayaran Bil Layak dengan amaun agregat minimum **Ringgit Malaysia Lima Ratus (RM500)** daripada Akaun.
17. “**Bayaran Bil Layak**” adalah bermaksud transaksi pembayaran yang dibuat daripada Akaun melalui HL Connect kepada pihak-pihak berikut:
 - (a) Pengebil yang disenaraikan dalam laman sesawang Hong Leong Connect Bill Payment;
 - (b) Pengebil JomPay;
 - (c) Saudagar / pengebil berdaftar FPX (DirectDebit); dan
 - (d) HLB / HLISB untuk kad kredit, pinjaman / pembiayaan peribadi, pinjaman / pembiayaan hartanah, pinjaman / pembiayaan auto dan pembiayaan ASB-i.
18. Jumlah maksimum Keuntungan e-Xtra dihadkan pada **Ringgit Malaysia Tiga Puluh (RM30)** sebulan.
19. Keuntungan e-Xtra dikira berdasarkan **Baki Purata Harian (“DAB”)** Akaun pada akhir bulan dan dikreditkan setiap **1 hari bulan (1 hb.)** bulan berikutnya (“**Tarikh Perkreditan Keuntungan e-Xtra**”). Berikut merupakan formula pengiraan Keuntungan e-Xtra sekiranya kriteria yang ditetapkan dipenuhi:

$$\text{Keuntungan e-Xtra} = \text{DAB} \times \text{Masa (T)} \times \text{Kadar (R)}$$

Nota:

- DAB = Jumlah baki lejar akhir hari dalam bulan / Jumlah bilangan hari dalam bulan
- Masa (T) = Bilangan hari dalam bulan / Bilangan hari dalam tahun, berdasarkan tahun kalendar 365 hari
- Kadar (R) = Kadar Keuntungan e-Xtra

*Kadar keuntungan adalah tertakluk kepada perubahan.

20. Bayaran Bil Layak yang tidak berjaya atau dibalikkan tidak akan diambil kira dalam pengiraan Keuntungan e-Xtra. Sekiranya Akaun ditutup sebelum Tarikh Perkreditan Keuntungan e-Xtra yang berikutnya, Pemegang Akaun bersetuju untuk menyetujui Keuntungan e-Xtra (jika ada).

Keuntungan Bonus Kad Debit-i

21. Tertakluk kepada terma dan syarat yang terkandung di sini, Pemegang Akaun layak mendapat Keuntungan e-Xtra sekiranya Pemegang Akaun berjaya membuat Transaksi Layak dengan amaun agregat minimum **Ringgit Malaysia Lima Ratus (RM500)** dengan menggunakan Kad Debit-i Hong Leong ("**Kad Debit-i**").
22. "**Transaksi Layak**" adalah bermaksud transaksi runcit yang dibuat menggunakan Kad Debit-i untuk penggunaan berikut:
- (a) Petrol;
 - (b) Membeli-belah;
 - (c) Keperluan dapur;
 - (d) Restoran;
 - (e) Lain-lain penggunaan Kad Debit-i.
23. Jumlah maksimum Keuntungan Bonus Kad Debit-i dihadkan pada **Ringgit Malaysia Tiga Puluh (RM30)** sebulan.
24. Keuntungan Bonus Kad Debit-i dikira berdasarkan Baki Purata Harian Akaun pada akhir bulan dan dikreditkan setiap **1 hari bulan (1 hb.)** bulan berikutnya ("**Tarikh Perkreditan Keuntungan Bonus Kad Debit-i**"). Berikut merupakan formula pengiraan Keuntungan Bonus Kad Debit-i sekiranya kriteria yang ditetapkan dipenuhi:

$$\text{Keuntungan Bonus Kad Debit-i} = \text{DAB} \times \text{Masa (T)} \times \text{Kadar (R)}$$

Nota:

DAB	=	Jumlah baki lejar akhir hari dalam bulan / Jumlah bilangan hari dalam bulan
Masa (T)	=	Bilangan hari dalam bulan / Bilangan hari dalam tahun, berdasarkan tahun kalendar 365 hari
Kadar (R)	=	Kadar Keuntungan Bonus Kad Debit-i

*Kadar keuntungan adalah tertakluk kepada perubahan.

25. Transaksi Layak yang tidak berjaya atau dibalikkan tidak akan diambil kira dalam pengiraan Keuntungan Bonus Kad Debit-i. Sekiranya Akaun ditutup sebelum Tarikh Perkreditan Keuntungan Bonus Kad Debit-i yang berikutnya, Pemegang Akaun bersetuju untuk menyetujui Keuntungan Bonus Kad Debit-i (jika ada).

Ciri Dagangan Sekuriti

Berikut merupakan terma, syarat dan takrifan yang akan terpakai pada Pemegang Akaun yang telah memohon untuk Ciri Dagangan Sekuriti ("**Terma dan Syarat Dagangan Sekuriti**"). Sekiranya terdapat sebarang konflik atau ketidakselarasan di antara Terma dan Syarat Dagangan Sekuriti dan terma dan syarat ini, Terma dan Syarat Dagangan Sekuriti akan terpakai.

26. Ciri Dagangan Sekuriti hanya akan dibenarkan untuk Pemegang Akaun yang telah memenuhi syarat-syarat berikut:

- (a) Pemegang Akaun telah mendaftar dengan HLISB untuk HL Connect dan telah memohon untuk Ciri Dagangan Sekuriti;
- (b) Pemegang Akaun telah membuka akaun dagangan saham ("**Akaun Dagangan**") dengan Hong Leong Investment Bank Berhad ("**HLIB**") melalui HLISB dan akaun Sistem Depositori Pusat ("**Akaun CDS**") melalui HLIB yang akan dihubungkan kepada Akaun untuk tujuan dagangan sekuriti di Bursa Malaysia Securities Berhad ("**Bursa Malaysia**") dan/atau bursa sekuriti yang diluluskan yang lain sebagaimana yang ditentukan oleh HLISB dari semasa ke semasa ("**Sekuriti Yang Diluluskan**");
- (c) Akaun tersebut akan dihubungkan kepada Akaun Dagangan dan Akaun CDS; dan
- (d) Semua urusan niaga Sekuriti Yang Diluluskan akan dilaksanakan melalui HLIB dengan menggunakan perkhidmatan pelabur elektronik HLIB yang dikenali sebagai HLeBroking ("**Perkhidmatan HLeBroking**") dan diakses melalui HL Connect. Pautan ke Perkhidmatan HLeBroking akan tersedia di HL Connect sebagai cara alternatif untuk Pemegang Akaun mengakses Perkhidmatan HLeBroking.

27. Setiap belian Sekuriti Yang Diluluskan oleh Pemegang Akaun dengan menggunakan Akaun Dagangan yang dibuka menurut Klausula 26 di atas adalah tertakluk kepada Dana Yang Tersedia (seperti yang ditakrifkan dalam Klausula 28 di bawah).

28. "**Dana Yang Tersedia**" adalah bermaksud jumlah wang yang ada di dalam Akaun dan tersedia untuk digunakan oleh Pemegang Akaun, termasuk penggunaan Dana Yang Tersedia untuk tujuan pembelian Sekuriti Yang Diluluskan melalui HLIB.

29. Dana Yang Tersedia di dalam Akaun akan dikendalikan secara berikut:

29.1 Had Dagangan untuk pembelian Sekuriti Yang Diluluskan

- 29.1.1 Had dagangan yang tersedia kepada Pemegang Akaun untuk membeli Sekuriti Yang Diluluskan melalui Perkhidmatan HLeBroking adalah dikira dan ditentukan oleh HLISB, berdasarkan Dana Yang Tersedia ("**Had Dagangan**") dengan mengambil kira anggaran komisen pembrokeran dan kos-kos lain yang berkaitan dengan pembelian Sekuriti Yang Diluluskan ("**Kos Transaksi**").
- 29.1.2 Had Dagangan akan dipinda dari semasa ke semasa berdasarkan baki kredit yang tersedia di dalam Akaun serta pengiraan dan penentuan Had Dagangan oleh HLISB adalah yang terakhir dan muktamad.

29.1.3 Bagi mengelakkan keraguan, apa-apa sekuriti yang dijual oleh Pemegang Akaun dengan menggunakan Akaun Dagangan tidak akan diambil kira oleh HLISB dalam menentukan Had Dagangan sebelum tarikh penyelesaian jualan tersebut.

29.1.4 Tanpa prejudis kepada hak pengiraan dan penentuan HLISB sebagaimana yang dinyatakan sebelum ini, semua amaun yang diperuntukkan untuk pembelian apa-apa Sekuriti Yang Diluluskan (termasuk Kos Transaksi belum bayar) dan/atau apa-apa transaksi perbankan yang lain (termasuk perbelanjaan runcit melalui Kad Debit-i) akan ditolak daripada dan tidak boleh menjadi sebahagian daripada Dana Yang Tersedia bagi pengiraan Had Dagangan.

29.2 Peruntukan untuk pesanan belian

Dana Yang Tersedia akan diperuntukkan sebaik sahaja pesanan belian untuk Sekuriti Yang Diluluskan dibuat, di mana amaun yang diperuntukkan adalah bersamaan dengan jumlah harga belian Sekuriti Yang Diluluskan dan Kos Transaksi. Amaun yang diperuntukkan tidak akan tersedia untuk pengeluaran dan/atau pemindahan oleh Pemegang Akaun sehingga tarikh penyelesaian menurut Peraturan Sistem Penyerahan dan Penyelesaian Tetap Bursa Malaysia ("**Peraturan FDSS**"), di mana:

(a) ia akan digunakan untuk penyelesaian harga belian dan Kos Transaksi Sekuriti Yang Diluluskan yang dibeli; atau

(b) peruntukan akan dilepaskan sekiranya pesanan belian tidak berjaya dipadankan.

29.3 Penyelesaian dagangan

29.3.1 Pada tarikh penyelesaian menurut Peraturan FDSS, HLISB dengan ini diberi kuasa oleh Pemegang Akaun untuk menggunakan amaun yang diperuntukkan menurut Klausula 29.2:

(a) Bagi penyelesaian semua kontrak belian di bawah Akaun Dagangan; dan/atau

(b) Bagi penyelesaian kontrak belian di mana kaunter yang akan diserahkan untuk kontrak belian yang telah dilaksanakan digantung daripada dagangan oleh pengawal selia pasaran yang berkaitan

29.3.2 Sekiranya amaun yang diperuntukkan tidak mencukupi untuk penyelesaian semua kontrak belian, Pemegang Akaun mesti menyelesaikan perbezaan di antara harga belian dan Kos Transaksi Sekuriti Yang Diluluskan yang dibeli ("Jumlah Perbezaan") sebelum HLISB mengirim amaun yang diperuntukkan tersebut kepada HLIB.

29.3.3 Sekiranya HLISB dinasihati oleh HLIB akan adanya kerugian kontra, nota debit dan perbelanjaan yang ditanggung secara munasabah yang berkaitan dengan dan mematuhi terma dan syarat yang mentadbir Akaun Dagangan ("Kerugian Kontra / Nota Debit"), HLISB dengan ini diberi kuasa oleh Pemegang Akaun untuk mendebit Akaun Pemegang Akaun untuk Kerugian Kontra / Nota Debit tersebut sebagaimana yang dinasihati oleh HLIB kepada HLISB tanpa perlu mendapatkan keizinan bertulis terlebih dahulu daripada Pemegang Akaun.

29.3.4 Apa-apa dan semua hasil jualan yang diterima untuk Akaun Dagangan akan dikreditkan ke dalam Akaun menurut Peraturan FDSS. Sekiranya HLISB dinasihati

oleh HLIB akan adanya keuntungan kontra, keuntungan kontra tersebut akan dikreditkan ke dalam Akaun tidak lewat daripada tiga (3) hari daripada tarikh kontra.

30. Apabila memperuntukkan Dana Yang Tersedia sebaik sahaja pesanan belian dibuat oleh Pemegang Akaun untuk belian Sekuriti Yang Diluluskan, HLISB tidak akan bertanggungjawab untuk memeriksa dan memastikan bahawa terdapat wang yang mencukupi di dalam Akaun selepas peruntukkan dana tersebut bagi memenuhi apa-apa Arahan Tetap yang telah diatur oleh Pemegang Akaun. Pemegang Akaun adalah bertanggungjawab sepenuhnya untuk memastikan terdapat wang yang mencukupi di dalam Akaun untuk memenuhi kewajipan apa-apa Arahan Tetap yang telah diberikan kepada HLISB dan HLISB tidak akan bertanggungjawab ke atas dan tidak akan tertakluk kepada apa-apa tuntutan, kerugian, liabiliti, kewajipan, denda, kos dan perbelanjaan akibat atau berkaitan dengan Arahan Tetap yang tidak berjaya.
31. Hanya untuk dan kecuali pindaan berikut yang terpakai ke atas Akaun, Terma dan Syarat Am Akaun HLISB akan terpakai ke atas Akaun:
 - 31.1 Pengendalian Akaun yang dipegang secara bersama oleh **dua (2)** atau lebih individu adalah berdasarkan bahawa mana-mana Pemegang Akaun boleh mengendalikan Akaun pada bila-bila masa.
32. Pemegang Akaun yang telah berjaya melanggan Ciri Dagangan Sekuriti dengan ini memberi kuasa yang tidak boleh ditarik balik dan membenarkan HLISB, pegawai dan kakitangannya untuk mendedahkan dan menyediakan semua maklumat berkaitan Akaun kepada HLIB untuk memudahkan urusan niaga Sekuriti Yang Diluluskan menurut arahan Pemegang Akaun serta memudahkan pengendalian Akaun Dagangan dan Akaun CDS menurut Ciri Dagangan Sekuriti.

Keuntungan Bonus Dagangan Saham

33. Tertakluk kepada terma dan syarat yang terkandung di sini Pemegang Akaun layak mendapat Keuntungan Bonus Dagangan Saham sekiranya Pemegang Akaun membuat sekurang-kurangnya **satu (1)** belian atau jualan Sekuriti Yang Diluluskan dengan menggunakan Akaun Dagangan, tertakluk kepada terma dan syarat yang terkandung di sini.
34. Keuntungan Bonus Dagangan Saham akan dikira secara berperingkat berdasarkan jumlah amaun dagangan oleh Pemegang Akaun dalam bulan kalendar ("**Jumlah Amaun Dagangan Bulanan**" atau "**MTA**").

MTA dikira seperti berikut:

 - (a) Untuk transaksi *Belian*:
$$\text{MTA} = [\text{Unit} \times \text{Harga Belian}] + \text{Kos Transaksi}$$
 - (b) Untuk transaksi *Jualan*:
$$\text{MTA} = [\text{Unit} \times \text{Harga Jualan}] - \text{Kos Transaksi}$$
35. Semakin banyak MTA yang dibuat dalam sebulan, semakin banyak Keuntungan Bonus Dagangan Saham yang diperoleh atas baki kredit di dalam Akaun.
36. Keuntungan Bonus Dagangan Saham dikira berdasarkan Baki Purata Harian Akaun pada akhir bulan dan dikreditkan setiap **1 hari bulan (1 hb.)** bulan berikutnya ("**Tarikh Perkreditan**

Keuntungan Bonus Dagangan Saham”). Berikut merupakan formula pengiraan Keuntungan Bonus Dagangan Saham sekiranya kriteria yang ditetapkan dipenuhi:

$$\text{Keuntungan Bonus Dagangan Saham} = \text{DAB} \times \text{Masa (T)} \times \text{Kadar (R)}$$

Nota:

- DAB = Jumlah baki lejar akhir hari dalam bulan / Jumlah bilangan hari dalam bulan
- Masa (T) = Bilangan hari dalam bulan / Bilangan hari dalam tahun, berdasarkan tahun kalendar 365 hari
- Kadar (R) = Keuntungan Bonus Dagangan Saham berdasarkan MTA pada akhir bulan

*Kadar keuntungan adalah tertakluk kepada perubahan.

37. Sekiranya Akaun ditutup sebelum Tarikh Perkreditan Keuntungan Bonus Dagangan Saham yang berikutnya, Pemegang Akaun bersetuju untuk mengetepikan Keuntungan Bonus Dagangan Saham (jika ada).

Ciri Pelbagai Mata Wang

Berikut merupakan terma, syarat dan takrifan yang akan terpakai pada Pemegang Akaun yang telah memohon untuk Ciri Pelbagai Mata Wang (“**MCF**”) (“**Terma dan Syarat MCF**”).

38. “**Ciri Pelbagai Mata Wang**” atau “**MCF**” bermaksud mata wang asing yang disimpan dalam Akaun yang dibenarkan oleh HLISB untuk diupayakan dengan MCF yang membolehkan Pemegang Akaun, antara lain:

- (a) memegang mata wang asing yang dibenarkan oleh HLISB dari semasa ke semasa;
- (b) melakukan Transaksi Luar Negara dalam mata wang asing yang dipilih oleh Pemegang Akaun;
- (c) menukar suatu mata wang asing ke mata wang asing yang lain dalam Akaun Yang Diupayakan Dengan MCF Pemegang Akaun melalui cawangan HLISB atau HL Connect.

Bagi mengelakkan keraguan, MCF hanya tersedia untuk Akaun Yang Diupayakan Dengan MCF yang dipegang oleh Pemegang Akaun persendirian sahaja. Senarai terkini mata wang yang dibenarkan untuk MCF boleh didapati di Laman Sesawang HLISB.

39. “**Akaun Yang Diupayakan Dengan MCF**” bermaksud Akaun Pemegang Akaun yang telah diupayakan dengan MCF.

40. MCF adalah berdasarkan kepada Prinsip Syariah Bai’ al-Sarf dan prinsip-prinsip Syariah lain yang diluluskan oleh BNM.

- 40.1 “Bai’ al-Sarf” merujuk kepada kontrak pertukaran wang untuk wang yang sama atau berlainan jenis. Dalam ciri ini, Pelanggan akan menjual mata wang kepada HLISB untuk mata wang yang lain secara lani dan pada kadar tukaran semasa HLISB. Hasil tukaran tersebut kemudiannya akan digunakan untuk membeli dan menjual Komoditi berasaskan Tawarruq

berdasarkan Terma dan Syarat bagi Akaun Semasa-i dan Akaun Simpanan-i Hong Leong (Tawarruq CASA-i).

41. Semua mata wang asing yang disimpan tidak boleh dipindah secara langsung dari dan ke Akaun berkemampuan MCF melalui pemindahan dana inter- atau intrabank, iaitu pemindahan dana ke dan dari akaun HLB / HLISB atau bukan HLB / HLISB lain (sama ada Akaun Simpanan / Akaun Simpanan-i, Akaun Semasa / Akaun Semasa-i, Simpanan Tetap / Simpanan Tetap-i, Akaun Pelaburan Berjangka-i, Akaun Pelaburan Am-i).
42. Mata wang asing yang disimpan dalam Akaun berkemampuan MCF beroperasi secara bukan tunai. Tidak ada penerimaan mata wang asing fizikal melalui mana-mana saluran kepada Pemegang Akaun akan dikreditkan ke dalam Akaun berkemampuan MCF. Bagi mengelakkan keraguan, peletakan pertama mata wang asing ke dalam Akaun berkemampuan MCF adalah dengan cara penukaran Ringgit Malaysia kepada mata wang asing tersebut.
43. Mata wang asing yang tersedia untuk MCF adalah ditentukan oleh HLISB dari semasa ke semasa. Sekiranya HLISB memperkenalkan mata wang asing baru, Terma dan Syarat MCF ini akan terpakai untuk mata wang baru tersebut. Sebarang variasi atau pengenalan mata wang asing baru boleh didapati di Laman Sesawang HLISB.
44. Pemegang Akaun memperakui dan bersetuju bahawa terdapat risiko yang terlibat dalam transaksi mata wang asing termasuk tetapi tidak terhad kepada risiko perubahan kadar tukaran, penambahan dan penurunan nilai mata wang, cukai, pemindahan paksaan atau perubahan dalam dasar kerajaan atau sebab-sebab lain yang di luar kawalan HLISB.
45. Pemegang Akaun bersetuju bahawa HLISB berhak untuk melakukan penukaran atau penukaran semula mana-mana mata wang sebagaimana yang disyaratkan oleh undang-undang, mana-mana peraturan dan kawalan dan/atau HLISB untuk pembayaran, pemotongan dan/atau penahanan sebarang fi, caj, cukai atau pungutan lain. HLISB tidak akan bertanggungjawab kepada Pemegang Akaun atau mana-mana pihak atas sebarang kerugian yang dialami atau ditanggung oleh Pemegang Akaun atau mana-mana pihak lain disebabkan oleh penukaran atau penukaran semula yang dilakukan berdasarkan Klausula 45 ini.
46. Operasi, sumber dan penggunaan dana ke dan dari Akaun berkemampuan MCF akan ditadbir sesuai dengan Akaun Mata Wang Asing Pelaburan ("**FCA Pelaburan**") di bawah Notis Pertukaran Asing, kawalan dan arahan yang dikeluarkan oleh BNM dari semasa ke semasa termasuk pindaan padanya dari semasa ke semasa. Di samping itu, Pemegang Akaun warganegara Malaysia dengan Pinjaman Ringgit Domestik adalah tertakluk kepada had maksimum agregat bersamaan **Ringgit Malaysia Satu Juta (RM1,000,000)** setiap tahun kalendar.
47. HLISB tidak akan bertanggungjawab atas pengurangan nilai mata wang asing pada deposit disebabkan oleh cukai, import, susut nilai atau penurunan nilai, atau untuk ketiadaan mata wang asing disebabkan oleh sekatan ke atas penukaran, permintaan, pemindahan paksaan, penggunaan kuasa tentera atau rampasan kuasa, atau sebab-sebab lain yang di luar kawalan HLISB.
48. Bagi Akaun berkemampuan MCF yang dianggap tidak aktif, sebelum dana dipindahkan kepada Pendaftar Wang Tidak Dituntut dengan cara yang diperuntukkan dalam **Akta Wang Tidak Dituntut 1965**, semua mata wang asing akan ditukar kembali kepada Ringgit Malaysia berdasarkan kadar tukaran semasa **dua (2)** hari sebelum pemindahan.

Penyata Akaun

49. Semua penyata Akaun akan dikeluarkan setiap bulan.

Yuran dan Caj

50. Yuran dan caj standard Akaun Pay&Save-i Hong Leong, Akaun Simpanan-i dan Kad Debit-i adalah terpakai dan boleh didapati di Laman Sesawang HLISB.

Umum

51. HLISB mempunyai hak pada bila-bila masa dengan memberi notis **dua puluh satu (21)** hari kalendar terlebih dahulu untuk menambah, menggugurkan, menggantung atau meminda terma dan syarat yang terkandung di sini, sama ada secara keseluruhan atau sebahagian, menurut budi bicaranya yang mutlak dengan menyiarkannya di Laman Sesawang HLISB atau dengan apa-apa cara yang dianggap sesuai oleh HLISB. Pemegang Akaun bersetuju untuk mengakses laman sesawang tersebut dari semasa ke semasa untuk menyemak terma dan syarat dan memastikan supaya apa-apa perubahan atau pindaan kepada terma dan syarat sentiasa diikuti.

Dilindungi oleh PIDM setakat RM250,000 bagi setiap pendeposit.